

CHL 3145.0213.83

HARVARD COLLEGE LIBRARY
FROM THE
HARVARD-YENCHING
INSTITUTE
AUG 30 1929

商水縣志

卷之一

沿革
星野
疆域

山川
形勝
鄉村

市鎮
關津橋梁

風俗
物產
古蹟

陵墓

商水縣志序

今之版圖皆從神禹封濬中來
依其高山大川以溯之皇古如
在目前百不失一何必強引經
傳而失其真乎余聞商水張侯
奉

前方伯滇南趙公檄輯邑乘因
急進舊志閱之顧舍潏水而指
爲商密沿革既妄猶足爲信史
乎按桑經潏水東南過潏強縣
北酈注曰潏水自臨潏縣西小
潏水出潏水又東逕潏陽城南

夫潏水於漢晉間設縣建城後
世沿爲潏川則其名稱之著有
自來矣若夫僖公二十有五年
以申息之師戍商密杜武庫以
爲都之別邑都在浙川隣近商
顏故稱商密豈今商水所可假


託哉士大夫讀書懷古將以鏡
王霸升降政治得失而乃於山
川封域任其假借必爲大雅所
誚然使後之繼起者攘臂奮袂
忽從而刪削舊簡反爲耳食者
所鄙余是以景張君續輯斯志
惟取六十餘年來土田貢賦溝
洫關市俊選宦賢

國家深仁厚澤之所培養者各以

門類登之實錄風教淳穆進於
虞夏商周斯亦箕潁間之光輝
矣沿革之訛不妨存其說而申

其辨故即以辨爲弁言使後之
觀風者察焉

乾隆十有二年歲次丁卯夏四
月吉旦河南按察使司分巡開
歸陳許兼管河務兵備道沈青
崖題於明德堂



改刊縣志記

舊志頗多蕪詞間有違碍字句
乾隆四十三年戊戌奉

憲設局委員校勘鑒定飭發另
刊爰將手譌碑記歌勸及紳士
題咏本邑八景諸詩附刊於後

文崇典要義取勸懲以資採擇
時

乾隆四十八年癸卯元旦知縣
事安邑牛問仁志



古者太史採十五國之風
謠而貢之輔軒何為者乎
所以察風氣之剛柔土泉之
燥濕人情之厚薄俗尚之
貞淫俾致治者得以轉移
而化導之以成於一道同風之

盛也自王迄愬而省方問俗
之典杳矣無聞所恃以周知
方隅者惟列國紀事之書
如今之省志近是秦漢以來
變封建為郡縣而記載禁如
故雖蕞爾小邑皆有志乘以

備風教之採擇為將來之信
史誰謂縣志頽可忽乎哉况
商邑之由來舊矣攷之古乃
有商王畀內地厥後楚稱商
密秦歸聽滋唐曰商州宋元
名商於今不易余自下

車以來巡歷所至時一吊覽見
其地管沃壤水接淮流農服
之疇士食舊德而崇質務樸
猶有殷克王之遺風因憶數百年
來人文之盛風俗之美甲於天下
不可勝數乃退覽邑乘其所

載顧寨之焉此其故何歟間
嘗按其地察其盛衰升降之
由乃知商踞中原代所必爭而
明季所遭劫同秦火干戈搶
攘之餘誰復究心於典物者
治及

本朝順治十五年邑令高理招
奉大中丞賈公從事纂修當
是皆典籍淪亡故家凋謝索諸
灰燼不過存什一於千百所
睹商志之全書乎嗚呼興衰
自天補救需人迄於今又将百

年矣

聖天子右文所及海隅同風商以

文獻舊壤其間川岳鍾靈賢
豪間起風土文物之秀忠孝
節烈之奇當必有日新而
月異者及今不為之哀輯


成書吾恐遲之數年更遲
至數十年格敷士之於之漢猶
徒見山爲而水清後之人歎
閩商之遺事其孰從而信之
幸也邑令張崇樸好古博雅
士也與余有同志緣於簿書

之暇因其舊志亦請他書
詢之故老表以已見於是乎
疑者闕之訛者証之謬者去之
偽者或之失次者序之遺亡
者補之即艷稱告世爲所搜
羅者之必斟酌其是非而增

之書成將付梓索言於余
 曰古之人嘗言之矣今誠噴
 也其地之山川人物皆被其澤
 而有榮也今以張君觀之豈
 不信然哉他日採風至此觀其
 風物按其圖籍謂古中原文
 獻之盛於今未艾不尤為守
 令之快事乎哉余樂商志之
 成而又喜張君之肯究心民
 物也於是乎書皆

乾隆十二年歲次丁卯清和
 月陳州府知府加二級紀錄

六次楚鄂崔應階撰志書



商水縣志卷首

開封府陳州商水縣爲纂修志書以備典要事蒙河南布政使司信牌順治十五年三月二十八日蒙

欽差巡撫河南等處地方提督軍務兼理河道太子少保兵部尚書兼都察院右副都御史加二級賈憲牌前事照得各府州縣之有志也其所紀載不越提封四境之中而實能備

國史之所未盡猶大宗之有小宗焉猶江海之支流山嶽之嶠阜焉不可廢也中州夙稱文獻名邦高賢輩出其於典故載籍必所素重昨據該司呈送通省府

商水縣志 卷首
州縣志書僅四十六種其餘各屬咸稱兵燹之後蕩
然無遺就其中新經纂刻者止汝州永寧數處此外
皆係勝國舊編而於近今之事俱付闕如及今不圖
恐世遠言湮老成凋謝後來雖欲從事勢必更難擬
合通行急爲修纂爲此牌仰本司官吏文到卽便轉
行各府州縣凡無志者速宜網羅舊章博求稗乘敦
禮耆英開局哀輯其有舊志而未載近今之事者或
有雖經翻刻而因陋就簡不諳史裁者亦須多方採
集更延名碩訂正務使缺略咸輯今昔備載修成
錄清稿呈送本部院披覽諒此不朽之垂人人人

同心也毋得遲違等因到司備行到府蒙此擬合就
行爲此帖仰本縣官吏照帖備蒙憲牌內事理卽查
該縣無志者速宜網羅舊章博求稗乘敦禮耆英開
局哀輯其有舊志而未載近今之事者或有雖經翻
刻而因陋就簡不諳史裁者亦須多方採集更延名
碩訂正務使缺畧成輯今昔備載修成先錄清稿具
文徑送
本部院併送本司本府批覽諒此不朽之垂人人自
有同心也慎毋遲違速須至帖者

商水縣舊志

總修職名

總裁

巡撫學憲提督兼理漕運李祿兵部督學都察院副都御史級賈漢復

膠侯滿洲籍山西曲沃人

巡按河南監察御史李粹然

君煥遼東遼陽人戊子

提調

布政使司左布政使徐化成

文侯昌平籍滿洲人丁亥貢士

布政使司右布政使桑芸

笈雲山西榆次人庚辰

按察使司按察使馬耀會

觀陽浙江平湖人己丑

提督學政右叅議兼僉事朱廷瑞

增城江南歙縣人丁亥

分守大梁道左叅政王來用行人遼東

分巡睢陳道副使曹申吉錫餘山東安邱人乙未

分巡大梁道副使沈荃位菴江南青蒲人壬辰

管憲嵩軍田驥鹽法道兼領山瀆關衛等處濟寧兵備叅陳士本頡仙江南武進人

督理

開封府知府錢綸北直元城人拔貢

開封府同知韓齊范

開封府同知趙汝斌山西岳陽人選貢

開封府同知王鑽公遠北直深澤籍涑水人拔貢

開封府通判張俊哲樂菴陝西涼州人歲貢教習

開封府推官于紀龍見川四川營山人辛卯

較梓

商水縣知縣高理石房山東萊陽縣貢

署儒學教諭喬時傑千秋河南嵩縣人丙戌舉人

儒學訓導李鳴雷歸德柘城人歲貢

纂修

邑戊子科副榜恩貢生郭天錫

評論

邑拔貢生劉恂

邑拔貢生傅雅言

總修

陳州府通判加一級董諱榕念青順天豐潤人拔貢

鑒定

商水縣知縣加三級張崇樸淳齋山西介休人監生

商水縣儒學教諭崔章倬漢夏邑人副榜

商水縣儒學訓導呂一敬勝吉湯陰人歲貢

督工

河南陳州營駐防商項二縣右司把總蔡玉賓觀廷南陽人武功

商水縣典史馮策照浙江慈谿人閣供

纂修

邑癸卯拔貢甲辰科副榜貢生郭熙

評論

邑甲辰科副榜貢生楊遐慶

邑拔貢生浙江桐鄉縣縣丞李乾元

訂正

邑貢生李肖元

邑監生陳增

邑廩生李玟

邑廩生王伯學

採輯

邑

廩

生黃凌雲

邑

庠

生高雲層

邑

廩

生趙理

邑

廩

生李雲斐

邑

監

生陳大琰

邑

庠

生郭調元

校梓

邑

廩

生王伯學

邑

廩

生李雲斐

邑

庠

生陳大琳

商水縣志總目

卷之一

輿地志

沿革

星野 疆域

山川

形勝

鄉村

市鎮

關津橋梁

風俗

物產

古蹟

卷之二

建置志

城池

衙署

營署

學校

宣講

坊表

倉儲

園囿

演武場

養濟院

整堡

驛程

卷之三

祀典志

文廟樂舞

壇壝

廟祠日食節飲附

卷之四

商水縣志

田賦志 戶口子糧 地畝墾甲地糧 貢賦經費 行稅 鹽政

卷之五

職官志 知縣 縣丞 典史 教諭 訓導 經制把總 本縣官制吏役附

卷之六

選舉志 進士 舉人 貢生 恩拔 歲副 例貢 附 入學 額例 附 例 監武科 武仕 附 掾官 約正 值月 壽官 農官 附

卷之七

人物志

名宦 宦跡 鄉賢 政事 忠義 彰善 訪 方技 節烈

卷之八

藝文志 誥敕 贊 論 記 引 疏 序 詩

卷之九

憲章志 示 記 六說 六則 文 諭 條例 贈言 上諭

卷之十

紀事志 祥瑞 艾變 拾遺

商水縣志則例

一兵燹之後舊志散亡無從考證斯志所載或父老稱說或軼文紀錄掛一漏萬誠所不免補編輯廢尚有待焉

一縣之有志猶國之有史所以示信於將來也故一筆一削務遵春秋謹嚴之旨寧簡毋煩寧樸毋華非如世說恒語取其娛悅觀聽已也

一天文地理精妙難窮是志所載一衷之廣輿記及輿地圖非敢以臆說欺世也

一名宦鄉賢舊載祀典而今亡矣偶得開封府總志

一册更訪之老吏宿儒遂錄其事如左

一忠孝節義風化攸關阿譽親知直道安在斯志所書或奉朝廷旌表或經上官褒美皆確有可據至如前令姚公王公忠節耿耿又得之日觀斯亦其有所試之旨譽云乎哉

一藝文以有關國事爲不朽斯志所載惟存簡要至風雲月露之詞雖膾炙人口弗敢贅也

一地名事蹟一以

昭代爲正蓋法春秋大一統以尊王之旨也

一紀事各從其類先列其目於首依襄項榮三縣志

例以便觀覽

尚水縣續志則例

一圖者所以繪其城池衙署形勝古蹟使觀者展卷瞭然不必身歷其處而合邑之境地已如在心目間矣縱有增減不過方位咫尺之間無大改革也舊志已有圖說茲無容復贅

一舊志分十款各以其類隸之今一遵舊制不敢妄有變易間有添增亦不出十款之外

一舊志十款綱以統目各有總序而目則無之今於目下各增小序一首又總一目而撮其大要且以著其必不可闕之義非敢強作解事也然必低總

序二字以示不敢並耦前人之意

一凡舊志之文必標於其後曰以上係舊志以志識別

一輿地自有疆界可據星野舊志按天文步推自無差謬成憲具在遵之可也何容置喙

一沿革一項舊志頗未詳茲遵省志增入非敢臆說也

一田賦職官等項俱遵舊志欵項續入不至遺漏

一鹽法行稅亦國家之要務舊志闕如今特續入田賦項下

一國家有文事必有武備兵也者不可一日缺者也武科武仕舊志未載殊非

國家文武並重之意茲特附入選舉之後

一孝義忠節所以美風俗重人倫也但事核例符卽爲登入不以門第世族限也不則有力者咸有榮施而單寒者盡沒沒矣豈顯微闡幽之意乎

一忠孝義節在生例不列傳亦蓋棺後定之意也

一商邑僻壤好學稽古之士殊寥寥焉故藝文一項所得絕少觀茲志所載亦足徵人文之槩矣

一舊志列憲章一欵皆上憲頒行條教告示有關

生民利弊者茲一遵舊志續入之後之蒞斯土者
舉而行之其有裨於風俗人心者大矣哉
一幽德古蹟埋沒草野者甚多或一時搜羅未及或
採輯者晚而帙帖已成不便更張例應置拾遺一
款以收不盡之美舊志雖無何妨增此一欵以爲
採之者地乎

商水縣志全圖考

城池全圖

縣治總圖

學宮之圖

縣署之圖

圖說

周禮職方氏掌邦國之圖籍凡山川夷險都邑關隘
無不悉具漢蕭相國何入秦先收之遂知天下扼塞
所而漢卒以此得天下然則圖爲志之前矛也因
冠於首使搜卷者瞭如指掌撫而治之何有

以上舊志


圖

全

懷王墓

牛王廟
三義廟


西壇



池

城

演武場
八蜡廟



玉皇廟

祖師廟
二廟
火星廟


東壇

先農壇


龍橋

東嶽廟

學宮




之圖




圖

之



署

縣



商水縣志卷之一

輿地志

沿革 市鎮

星野 關津橋梁

疆域 風俗

山川 物產

形勝 古蹟

鄉村 陵墓

庶民惟星匪土胡隸畫野分疆有國者首事也矧乃
 人傑緣乎地靈觀風者舍山川形勝末從稽矣至若
 城隍高深守土者所以捍侮衛民草木殖產又民人
 所需以育者故攷沿革以稽創造觀星土以察災祥
 稽民風以同好惡興物產以資養恬俾斯民咸阜乃
 生樂乃業斯久安長治之術也因表輿地

沿革

商水按禹貢屬豫州之域商為畿內地春秋屬楚左

傳魯僖公二十五年楚鬬克屈禦寇以申息之師戍
商密是也 以上舊志

秦稱澠疆縣屬潁川郡漢改潁強東漢因之晉省
歷南北朝至隋開皇十六年復置澠水縣屬淮陽
郡唐建中二年置澠州與元二年州廢以縣屬陳
州淮陽郡五代屬陳州宋建隆間避宣祖諱改商
水金元因之屬陳州明屬開封府陳州隸河南布
政使司

國朝未之改也雍正二年陞陳州爲直隸州遂屬州轄
雍正十二年又陞爲陳州府商水隸焉 參省志

分野

按豫州自氏五度至尾九度屬大火於辰在卯又許
入房度歸睢入房心度開封汝寧入角亢度衛懷彰
入室璧度南陽入張度洛陽入柳度商水在開汝之
間太昊之墟似應屬角亢焉 以上舊志

疆域

商豫之彈丸小邑耳一望平行無山阜陵麓可正
經界惟立石封堠聊以示別云雖犬牙相錯道里
不同而大小廣狹各有定制比鄰接壤無容併吞
矣

商水在陳州府西南七十里延四十里袤一百里

東北十八里至周家口

正東二十里至連塚集

東南十八里至高祖廟又一路至胡家廟

以上四路俱接淮寧界

正南三十里至界牌

西南五十里至固現集

以上二路接上蔡界

正西八十里至磚橋

西北五十里至龍勝溝

正北二十四里至林川集

以上三路俱接西華界

山川

在天成象星緯環列在地成形流峙錯陳豫中襟山帶河疊嶂嶙峋鉅壑大瀆所在多有而商獨無此勝槩惟有河渠陂池足備水滂耳大抵商之地勢坡窪者十之七高阜者十之三一經霖雨便成澤國地瘠民貧固其宜也謹條析之如左覽者亦可知一邑之利弊所在矣

沙河卽潁水縣北十八里發源襄城自縣治西北龍

勝溝接西華界至縣治東北周家口交淮寧界約長五十里以下經潁入淮近河地在九里十三步內者按地出夫編成十號每號管堤五里許共派夫九十六名號立老人小甲各一人董率號夫時時培薄增卑俾無衝決之患

吳公堤在周家口河南岸關帝廟後堤岸薄削不堪雍正元年黃水泛漲由汴水而下堤正當其衝更兼風雨驟至蟻穴汪洋幾潰者數四邑令吳耀旨雨督修無間晝夜堤賴以全邑人感德名之曰吳公堤爲勒石以志之

小黃河古稱汴河元賈魯疏濬又名賈魯河發源滎水由朱仙鎮而下至呂家潭與雙漆河併雙漆河發源於鄭州蓮池至此與小黃河合流下至周家口入沙河

褚河魏武帝運糧故道由許州而下至縣治北二十里孫家嘴入沙河

穀河一名枯河縣治西北自西華舒家橋入商下至老澗灘與汾河合

汾河受西華郟城諸陂之水縣治西自西華三里橋入商經縣南至東南馬家河入淮寧境下入沙河

與淮併淤塞日久不辨河形每遇霖潦遍地行舟
蒲葦菱芡經年汪洋無涯儼若江湖兩岸居民惟
恃魚葦爲生計康熙五十一年邑令修映辰奮除
積弊力加疏濬用是水滂可洩兩崖之地悉成稼
穡之區矣雍正二年邑令吳耀重復疏通仍編置
號夫不時幫修堤岸至今民享其利焉

護城河自縣治西北蜿蜒至縣東南三面繞城環抱
如帶發源二西自大堤口經楊家橋而南東自臧
岡坡經符家橋而西南至王耐口匯流由城西董
家纏迤邐而南經三里橋五里橋四座橋東南由

華家河至胡家廟入淮寧境下與連橋河併

護城堤卽河之北岸舊堤卑薄每遇沙河衝決繞城
四面悉爲水鄉雍正二年邑令吳耀自董家纏至
華家河編置四號不時幫修又沿堤甃水道三處
以洩陂水一在三里橋淮溝之故道也一在四座
橋洩宋家坡水一在華家河蘇家坡溝水由此入
焉堤以禦外水溝以洩內水城恃以無患雍正八
年沙河白帝衝決水勢汎漲堤幾潰邑令王夔龍
冒雨督工防禦自出錢幣買飲食以餉夫役如此
兩晝夜得以保全無害

淮溝在南門外

耙頭河縣治西北三十里卽汾河之別名也

烏溝河縣治東北八里自于家窪起至薛家橋入項

城界

青龍河縣治西南二十里屬龍塘河地方自上蔡境

彭家坡入商下至王家樓入汾河

小清河縣治西南二十五里屬北蔡寺地方上自月

牙池受上蔡郟城西華諸陂之水下洩於汾併入

沙河

青泥溝縣治西南二十五里屬北蔡寺地方在小清

河之北蓮花池坡自停營坡而下至黃家冲入汾
河

南湖在縣治西南十餘里夏水冬涸有魚葦之利民
多資之

北湖在縣治北十里受沙河岸南之水匯而爲湖方
三十餘里每遇霖雨連綿波光蕩漾一望無涯有
若湖焉

康家坡卽南湖上接巴村坡劉村坡蓮花池喬家坡
諸坡下與五樓坡通

臧岡坡卽北湖

天井坡縣治西南二十五里北蔡寺地方上接月牙池下通門家坡五樓坡東西五六十里南北十餘里

蓮花池在天井坡之北青泥溝南岸與喬家坡連

南陵坡縣治西三十里與巴村坡留村坡通

巴村坡縣治西四十里

留村坡縣治西三十里

雷家坡縣治西二十里

門家坡縣治南十五里

五樓坡縣治東南二十里

薛家套坡縣治東十五里

形勝

商界陳蔡之間地勢平行無高山大川之秀麗祇有潁水環其北淮溝繞其南西則鄧城巨鎮東則古城商邱古城距縣二十里與項接壤商之形勝蓋如此云

八景

銀杏蟠龍

城南東嶽廟有銀杏一株枯乾不朽不知何時植也相傳明太祖北征駐蹕樹下足跡深寸許至今

不磨或訛爲光武非是

烏溝夜月

烏溝河在縣治東北八里許村屋稠密雲樹參差
月夜遊此清幽如畫或曰光武嘗黑夜尋馬至此
迷不識路俄而天大明朗如月光然土人立廟祀
之謂之曰失馬廟今其遺址尚存未知然否

白帝清風

白帝臺縣治西北三十里相傳卽漢高帝斬白蛇
處至今四季風常清涼

梧岡棲鳳

鳳凰臺在城內十字街漢黃霸爲潁川守鳳棲於
此

焦砦晴烟

焦砦寺縣治西南五十里宋將焦贛屯兵處林木
蓊鬱雖天氣清明常如烟雲繚繞

澱渡秋遊

縣治東門外石橋處卽古澱水常於秋月鼓棹中
流荷香襲裾沙鷗翔集爽氣迎人極清曠之雅致
荒城夕照

城西有楚懷王墓高塚如山雉堞遙映返照東窺

草樹離離殊足豁人心目

章華遺址

章華臺城北二里許春秋襄公十七年楚靈王築章華臺享諸侯以落之使太宰遠啟疆來召魯侯卽此或曰章華在今華容縣此蓋小章華云

鄉村

城外四關廂

王溝橋城東北五里

觀音堂城東北十里

楊家灣城東北十五里

周家口城東北十八里

王許村城北十里

趙家集城西北十八里

東西馬城西北二十五里

莫家口城西北十里

鄧城城西北四十里

巴村城西三十里

史庄城西五十里

譚庄城西北六十里

南陵城西三十五里

留村城西三十里

口頭城西八里

停營城西三十五里

北荒城西三十里

扶蘇寺城西南三十里

固現城西南四十里

北蔡寺城西南二十五里龍塘河城西南十二里

黃家冲城南十二里

華家河城東南十二里

楊溝河城南十里

五里堡城南五里

東鄧店城東南十五里

連塚集城東十八里

李村城東十二里

康熙初年置二十四地方

永寧集地方 一千一百三十二戶 七庄村

觀音堂地方 四百六十二戶 三十九庄村

李村地方 六百零六戶 五十七庄村

五里堡地方 七百三十八戶 四十六庄村

東鄧店地方 三百九十七戶 二十九庄村

華家河地方 四百零二戶 三十四庄村

黃家衝地方 四百一十六戶 四十庄村

楊溝河地方 五百八十三戶 四十庄村

龍塘河地方 六百二十八戶 五十一庄村

北蔡寺地方 五百四十九戶 三十四庄村

固現地方 三百五十四戶 二十一庄村

七里頭地方 四百八十九戶 五十三庄村

南陵地方 六百四十三戶 十七庄村

巴村地方 五百零九戶 八庄村

留村地方 四百三十五戶 二十八庄村

扶蘇寺地方 六百二十八戶 四十庄村

莫家口地方 五百一十一戶 二十六庄村

王許村地方 五百七十九戶 五十六庄村

口頭地方 二百八十五戶 三十一庄村

鄧城地方 六百二十三戶 三十二庄村

東西馬地方 七百九十六戶 六十二庄村

史庄地方 四百五十六戶 二十三庄村

譚庄地方 三百四十六戶 三十五庄村

趙家集地方 四百零七戶 十九庄村

又新添

周家口地方 一千九百一十九戶 四庄村

停營地方 三百八十一戶 二十一庄村

在城東街路南地方 二百四十五戶 七庄村

東街路北地方 四百四十六戶 二十七庄村

南街地方 二百三十九戶 二十二庄村

西街地方 二百一十四戶 十三庄村

北街地方 二百四十一戶 十庄村

共三十一地方各有鄉約地方二人時時稽查戶口勿使容留奸宄窩藏匪類又有一百七十三村長四十六保正同心協力勸諭鄉民地方乃以無事焉

集市鎮店

在城

東關一二三四日集

北關五六日集

西關七八日集

南關九十日集

以上舊志

集市舊在關外康熙五十一年知縣修映辰以城中房屋頽圯街道狼籍始調入城中令民各修屋舍招商貿易由是在城之窮民各有生理至今頗不寥落云 初一至初四日東關集 初五至初八日東街集 初九至十二日雲路街集 十三日北關集 十五至十八日北街集 十九日

十日西關集 二十一至二十四日西街集 二

十五六日南關集 二十七至三十日南街集

又每年二月十二至十九日文昌閣集 二月二

十六至三月初三日北關祖師廟集 三月二十

一至二十八日東嶽廟集 四月初一至初八日

永福寺集 八月初八至十五日城隍廟集

永寧集在沙河北岸依砦結廬因名東西五里南北

二里商賈輻輳稱巨鎮云 集在今周家口小黃

河西雙日集

周家口集縣治東北十八里卽小黃河與沙河匯流

處舊在沙河南岸僅有子午街一道居民數家

國朝治平百年以來人烟藜雜街道縱橫延及淮寧境

連接永寧集週圍十餘里三面夾河舟車輻輳烟

火萬家檣桅樹密水陸交會之鄉財貨堆積之藪

北通燕趙南接楚越西連秦晉東達淮揚豫省一

大都會也單日集

鄧城集城西北四十里濱沙河之南樓閣參差街衢

修整舊有木城今雖廢圯遺址尚存土沃民豐家

誦戶絃亦邑之勝地也雙日集

趙家集俗名趙老人埠口縣治西北二十里濱沙河南單日集

巴村集縣治西四十里夾汾水之上雙日集

連塚集縣治東十八里西北二街屬商南街屬項東

二街屬淮寧前代盛今始興單日集

東鄧店集縣治東南十八里雙日集

北蔡寺集縣治西南二十五里昔盛順治年間廢今

復興單日集

南陵集縣治西三十五里昔廢今興單日集

張庄集今廢

楊家灣俗呼楊家腦

黃家衝

朱家塚

柴家堂 以上四處有店無菜市

華家河集縣治東南十二里雙日集

林川集縣治北二十四里雙日集

聖村集縣治西三十里雙日集

陳家寨集縣治東十二里單日集

北荒集縣治西南三十五里雙日集

馬崗集縣治西南三十里單日集

姚家橋集縣治東南十五里雙日集

朱家集縣治東十里雙日集

關津橋梁

周家埠口縣治東北十八里沙河渡口南通汝蔡北

通陳汴衝路也舊志

原止一津今市廣人衆非一渡所能給設渡船數

處一曰齊家埠口在市之東一曰新埠口在齊家埠口之

上一曰老街埠口在市之中即舊一曰小埠口在

街埠口一曰永寧集埠口在小埠口之上一曰張家埠口

在市之西首永寧埠口之上

王家埠口縣治東北十七里

時家埠口縣治北十五里

馬家門縣治北十二里

趙老人埠口即趙家集縣治西北二十里通西華上埠口

在集西下埠口在集東

王家埠口縣治西北三十里

鄧城埠口一在北門外一在集西縣治西北四十里

永寧集大板橋小黃河入沙河處縣治東北十八里

激水橋縣東郭按綱目後漢熹熙十八年魏揚骨都督母邱儉起兵討司馬師師引兵擊

之進據潞川閏月次激水橋即此

李家橋縣治東南六里鄉民李文先重修

焦村橋縣治東南六里今圯

五里橋縣治南五里

七里橋縣治南七里

三里橋縣治西南三里

雙橋縣治南八里

姚家橋縣治東南十五里通項城

董家羅橋縣治西三里

符家橋縣治北八里

天皇廟橋縣治西北十里

馬家口橋縣治西北三里

楊家石橋縣治西北十一里

商水縣志 卷之一
陳家橋縣治西北十二里今廢

四座橋縣治東南八里

胡家廟橋縣治東南十八里

華家河橋縣治東南十里 鄉紳劉芳修

龍塘河石橋縣治西南十二里 鄉民郭大壯修乾隆十年鄉民郭文昌李

文先復重修

高家橋縣治西南十五里

沈家橋縣治西南二十里

魏家橋縣治西南二十里

西魏家橋縣治西南二十六里

羅家橋縣治西南三十里

吳家橋縣治西南二十五里

喬家橋縣治西南二十里

趙家橋縣治西北五里

王溝橋縣治東北五里

馬家河橋縣治東南二十五里

十字河橋縣治東南十八里

黃家衝橋縣治東南十二里 乾隆九年鄉民李文先郭文昌重修

高家石橋縣治東南十二里 在黃家衝東

火燒橋縣治西二十里 王靈官故里

柿園橋 火燒橋 西北

朱洪橋 柿園橋西

任家橋 朱洪橋西

李家橋 任家橋西

奶奶廟橋 李家橋西

唐家橋 奶奶廟西

大石橋 縣治西四十里 唐家橋西

鐵爐橋 大石橋西

譚庄橋 縣治西五十里

巴村橋 縣治西四十里

牛頭寨橋 巴村東

耙頭河橋 牛頭寨東

雙龍橋 縣治東七里

楊溝河橋 縣治南二十四里

王家石橋 縣治東十三里

臥龍橋 城南門外

盧家橋 縣治南二十里 乾隆二年鄉民李文先郭文昌重修

風俗

俗有古風野無遊民尚質崇厚喜勤敦朴婚不計財治喪有禮然而土地瘠鹵民用不充頗好訟獄無亦

商水縣志 卷之一
習氣波靡使之然歟 以上舊志

古者天子命太史採風以驗俗習之美惡考政治之得失登之樂章以示勸懲然則風俗之所關豈細故哉左氏曰瘠土之民勞勞則善心生沃土之民逸逸則淫心生惟地有肥磽故風俗亦有醇漓商處天地之中當風雨和會之地聲音句讀稔合正韻衣服飲食率多簡朴故其俗尊高年尚儒術勤稼穡務績紡務本者多逐末者少若四時入節之候三元五臘之辰交際饋遺崇禊玩賞與他邑有同風焉但地勢窪下民鮮蓋藏歲一不登益無斗儲矣惟好巽訟喜俳優惑巫覡崇淫祀所急當易移之者也

物產

物莫不有其土之所宜江南則橘江北則枳地氣然也商雖蕞爾其土之所生豈無資民生關食用者倘闕焉不載是將使人盡重瓊玖瑰玉而視布帛菽粟爲無足輕重之數矣此非所以重民生厚風俗也故備載之

五穀類

麩麥 米大麥 王大麥 黃小麥 紫實麥

蕎麥 粟穀 俗呼小粟 黍 以大暑種故名 稷 五穀之長

俗不以爲尚 稻 性宜水亦有陸稻窪下之 梁 卽薊

名高粱有白 菽 豆之總名有黃黑菜青數種又 紅黑二種 菽 有豌豆紅白豇豆紅白小豆

芝蔴 有紅白黑三種黑 菜子 者名巨勝可療疾

果類

桃 杏 栗 李 紅黃二種 梅 梨 快柿

石榴 紅白二種 張騫使西域帶入中國 棗 菱

蓮子 沙果 蘋杲 胡桃 名物志謂之羌 葡萄

有黑白二種 張騫使西域所得 白果 一名銀杏 芡實 俗呼雞頭 西瓜 甜瓜

木類

桑 柘 椿 有數種 栢 槐 柳 有數種 榆 有雌雄 楊

有大葉小 楮 棟 四月華爲 梧 桐 檜 楸

竹 有水竹 旱竹 二種

花類

牡丹 花王一名富貴花 芍藥 一名將離又 薔薇

紅梅 白梅 臘梅 冬月華有水素 玉簪 月季

木槿 有紅白 玫瑰 海棠 有鐵脚垂絲 西 石竹

木香 有十層單 梔子 桂 有丹黃二種 水土 瑞香

夾竹桃 有十層單 荷花 有深紅淡紅 茶藨

秋海棠 芙蓉 海石榴 絳桃 玉蘭

菊 種類甚多 葵 數種 鳳仙 俗名小桃紅指甲 紫薇 一名百日紅 迎春

金錢 蜀葵 滿池嬌

草類

蓼 藻 蘋 萍 葦 茅 蒿 莎 蓬 稗

莠 蒺藜 馬蘭 紅花 可以染 薔艸 星星 芡

淮 了楷 靛 有三種 染碧槐藍如槐 染綠大藍 蘇 有二種

曰苧 蘇一曰好蘇 蒲 有二種 有香臭 葛 艾

蔬類

芥 芹 楚葵 蔥 蒜 韭 苜 茄 蘿蔔 有紅白二種

胡蘿蔔 蒲 白菜 有黃芽箭 竿二種 山藥 芫荽 菠

菜 萵苣 博物志出燕國者 有毒蟲不可近 苘蒿 香椿 荆芥

香菊 生菜 笋 有春冬二種 蔓菁 有大小二種 金簪 白

花 米谷 馬齒莧 又名安樂菜 葫蘆 黃瓜 一名王瓜 絲

瓜 豇角 有眉豆 豆二種 東瓜 南瓜 菜瓜 瓠子

刀豆 藕

藥材類

枸杞 杏仁 桃仁 紅花 荆芥 薄荷 南

星 茵陳 牽牛 蒲黃 車前 著艾 芫花

金銀花 桑白皮 急性子 大楓子 益母草

瓜 蔓 豨薟草 皂莢 硝 側柏葉 麥冬

商陸 牛蒡子 來服子 地膚子 楮實子

桑葉 薏苡仁 何首烏 百合 地丁 花粉

兔絲子 夜明沙 香附

羽蟲類

燕一名元雀 鳩 黃鶯一名倉庚一名鷓鴣一名黃鳥又名金衣公子

鴿 杜鵑即子規又 鵙即伯勞 鷹 鷓鴣 鴉

鳧 鶴 鷺 鷯 鵲喜鵲 鷺 鷺 鷺 雉

啄木鳥 鶴 鴟鴞

毛蟲類

牛 馬 騾 驢 豬 犬 羊 猫 虎 兔 獾

鼠

鱗蟲類

鯉 鮒 鮎 魴 鱧 鱣 鰻 鰕 鮫 鱖

甲蟲類

鼈 蚌 螺 蟹

羸蟲類

蠶 蜂 蟬同類異名 螢 蚤 蠅 虻 蚊 蠓

蛾 蟋蟀 蜻蛉 蝶 螳螂 蚰蜒 蝎 蜘蛛

蛛 蠹斯 蝸牛 刺蝟 蝼蛄 蝙蝠 蛇

蟻 蛙

泉類

棉花 布 絲 縑 綾

古蹟

古人往矣而遺跡猶存景騷人之雅致則睠懷秦
峇瞻英雄之故墟則睒然高望溯洄興廢慷慨係
之後之視今亦猶今之視昔云

鳳凰臺在城內十字街相傳臺畔有梧桐樹漢宣帝
時黃霸為潁川守鳳棲於此

駐蹕樹城南東嶽廟有銀杏一株枯乾不朽明太祖
北征止此樹下足跡深寸許至今不泯

章華臺在城北二里許春秋襄公十七年楚靈王築

章華亭諸侯以落之使遠啓疆來召魯侯即此或

曰章華在今華容縣有細腰宮在焉此蓋小章華

云

鄧城縣西北四十里魏鄧艾入蜀屯兵於此

鍾鎮倉縣西南四十里魏鍾會屯兵處明初以縣治

西南遙遠設倉屯收秋糧今廢

焦寨縣西南四十五里宋將焦贊屯兵處

范臺縣西南十五里越大夫范蠡既與勾踐謀滅吳

乃挾其珍寶與西子泛舟歸湖即此至今臺之北

商水縣志 卷之二
地勢窪下每遇霪潦波光萬頃宛然湖云

城頭縣西三十里蘇子由爲陳州團練使子瞻自眉
往視宿於此相傳每夜靜常聞吟誦聲

白帝臺縣西北三十里漢高祖斬白蛇處四季風常
清涼

棄兒溝縣西三十里相傳周景王后蘇氏被讒走商
州生兒棄於此

互鄉俗名固牆縣東南四十里本項城縣轄舊志訛
爲商水

大王庄真武護法王靈官故里相傳火燒橋舊有七

十二空白玉闌杆今廢

張公釣臺城西二十五里魏家橋西有碑可據

陳半臺城西五十里

牛頭寨城西三十里

齊會臺在南陵之北

蓮臺巴村東三里

叢臺城北二十里沙河之陽楚靈王因築章華并築
此以像華容之地

水灌臺城東北二十里

今屬淮寧

霧臺城南十五里

梧觀臺城西六十里

北湖城北十二里

驛馬溝縣西南十里相傳孫叔敖所鑿

時曲縣西南五十里澗水於此涸曲故名唐元和十年李光顏敗淮兵於時曲卽此

南湖城南十二里

乾谿臺城北二里春秋楚靈王築此爲游觀之所

崇臺城北二十里

陵墓

過北邙而興悲望蕩陰而寄慨非徒抱今昔之感

而秉彝好德之心有不容已也夫前哲之芳踪不可覩矣見其墓如見其人焉顧日久而莫之記徒見碑踣艸深燐走螢飛欲覓其處而無從矣其湮沒可勝道哉

陳懷公墓在縣治西北西陵灣興福寺之畔

楚懷王墓縣治西二里許

按史記懷王外信張儀之詐內惑鄭袖之讒爲秦所執逃死葬於此

扶蘇塚縣治西南三十里

按史記秦始皇使太子扶蘇監蒙恬築長城及二

世立賜死葬於此

蒙恬塚去扶蘇塚六十步墓門深邃涼氣逼人人不
敢入

耿弇墓縣治東十八里土人耕地拾玉帶玦一銅圖
書一一篆命臣字一篆耿弇之印始知爲弇塚也
張景昭墓縣治東南二里許詳孝義志

商水縣志卷之一

